

MALAYSIA
DEWAN NEGARA
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI KHAMIS, 6 DISEMBER 2012, PUKUL 10.00 PAGI

Bil. 21

PERTANYAAN-PERTANYAAN BAGI JAWAB LISAN

1. PN-1253-L16027
Puan Roslin binti Haji Abdul Rahman minta **MENTERI PENERANGAN, KOMUNIKASI DAN KEBUDAYAAN** menyatakan sejauh manakah Kod Kandungan Komunikasi dan Multimedia di bawah Forum Kandungan Komunikasi dan Multimedia (CMCF) dapat mengawal penyedia perkhidmatan televisyen, radio, pemilik laman web, penulis blog dan apa saja yang terpapar di media elektronik supaya dapat menjaga batasan bahan yang disiarkan.
2. PN-1253-L15638
Tuan Khoo Soo Seang minta **MENTERI KEWANGAN** menyatakan faktor-faktor yang menyebabkan International Monetary Fund (IMF) meramalkan pertumbuhan ekonomi Malaysia 4.4 peratus tahun ini dan 4.7 peratus tahun 2013 walaupun di peringkat dunia cuma 3.3 peratus tahun ini dan 3.6 peratus tahun 2013 sahaja.
3. PN-1253-L15469
Tuan Haji Muhamad Yusof bin Husin minta **MENTERI SUMBER MANUSIA** menyatakan sejauh manakah perkembangan Program Latihan Kemahiran Komprehensif kepada penghuni penjara seluruh Malaysia dan adakah semua penjara di Malaysia diiktiraf sebagai Pusat Sistem Latihan Dual Nasional (SDLN).
4. PN-1253-L15885
Datuk Chiw Tiang Chai minta **MENTERI PENGAJIAN TINGGI** menyatakan bagaimana Kementerian melihat Pembelajaran Sepanjang Hayat (PSH) yang diiktiraf sebagai tunggak ketiga dalam sistem pembangunan sumber manusia mampu membantu Malaysia mencapai matlamat menjadi sebuah negara maju.

5. PN-1253-L15998
Tuan Subramaniam a/l Veruthasalam minta **MENTERI SUMBER MANUSIA** menyatakan apakah status perjanjian membawa masuk pekerja rumah asing dari Indonesia, kerana walaupun sudah kerap kali mengumumkan penghantaran pekerja rumah Indonesia akan berterusan, jumlah pekerja rumah yang tiba masih sangat berkurangan.
6. PN-1253-L15699
Datuk Haji Yunus bin Haji Kurus minta **MENTERI PERDAGANGAN ANTARABANGSA DAN INDUSTRI** menyatakan mekanisme bakal diguna pakai bagi membangunkan produk halal berimpak tinggi untuk tujuan eksport.
7. PN-1253-L15865
Dato' Boon Som a/l Inong minta **MENTERI DALAM NEGERI** menyatakan bilangan rakyat Malaysia yang bukan beragama Islam berkahwin dengan warga asing di negara ini serta punca mereka berbuat demikian.
8. PN-1253-L16152
Datuk Paul Kong Sing Chu minta **MENTERI KESIHATAN** menyatakan jumlah kes Tibi yang dikesan di negeri Sabah pada tahun 2005, 2010, 2011 dan 2012. Apakah langkah-langkah yang telah diambil untuk mengelakkan penyakit ini daripada terus merebak.
9. PN-1253-L16132
Tuan Baharudin bin Abu Bakar minta **MENTERI SUMBER ASLI DAN ALAM SEKITAR** menyatakan penjelasan daripada pihak Kementerian tentang persediaan yang telah dilakukan untuk menghadapi ancaman banjir yang dijangka berlaku lebih awal tahun ini.
10. PN-1253-L16044
Tuan Mohd. Khalid bin Ahmad minta **MENTERI KEWANGAN** menyatakan :-
 - (a) apakah tindakan-tindakan yang akan diambil oleh Kerajaan supaya teguran-teguran mengenai isu yang sama oleh Ketua Audit Negara tidak lagi berulang dilakukan oleh Kementerian, Jabatan, Kerajaan Negeri, Badan-Badan Berkanun dan Syarikat Berkaitan Kerajaan; dan
 - (b) apakah pandangan-pandangan daripada Kerajaan terhadap saranan Ketua Audit Negara agar Kerajaan menimbang semula sistem perolehan (*procurement system*) supaya pemantauan juga dibuat oleh Jabatan Akauntan Negara dan tidak hanya bergantung semata-mata kepada kawalan dalaman (*internal control*) Kementerian atau Jabatan tanpa pantauan daripada pihak luar bagi memastikan dana awam dibelanjakan dengan telus.

11. PN-1253-L15367
Tuan Haji Abdul Shukor bin Mohd Sultan minta **MENTERI LUAR NEGERI** menyatakan kejayaan misi bantuan kemanusiaan bagi mengurangkan penderitaan penduduk suku Rohingya di Rakhine, Myanmar.
12. PN-1253-L15917
Puan Hajah Dayang Madinah binti Tun Abang Haji Openg minta **MENTERI PELAJARAN** menyatakan terdapat kira-kira 50,000 individu "Sindrom Down" di seluruh negara ketika ini dan ia mungkin akan meningkat. Adakah pihak Kementerian mempunyai cadangan untuk menubuhkan "Sekolah Khas" bagi perkembangan golongan tersebut pada masa hadapan.
13. PN-1253-L15508
Dato' Haji Abdul Rahman bin Bakar minta **PERDANA MENTERI** menyatakan apakah alasan yang menyebabkan pelajar tajaan Kerajaan di luar negara tidak mahu pulang untuk berkhidmat di Malaysia selepas tamat pengajian. Apakah usaha-usaha yang telah dan akan diambil oleh Kerajaan untuk menarik mereka pulang bekerja di negara kita. Apakah ianya berkesan. Jika ya, berapa ramai mereka yang telah menyambut usaha berkenaan.
14. PN-1253-L15556
Puan Norliza binti Abdul Rahim minta **MENTERI KEWANGAN** menyatakan berapakah peratusan "Non Performing Loan (NPL)" bagi pinjaman perumahan bagi tahun 2009 hingga Jun 2012.
15. PN-1253-L15692
Dato' Muhammad Olian b Abdullah minta **MENTERI KESIHATAN** menyatakan apakah persepsi hospital swasta dan syarikat insurans perlindungan perubatan ini mengaut keuntungan yang berlebihan, sehingga ianya membebankan pesakit serta keluarga mereka akan berterusan. Apakah langkah-langkah yang diambil oleh Kementerian dalam memastikan khasnya pihak hospital swasta tidak mengenakan bayaran perubatan dan rawatan ini dikenakan sesuka hati.
16. PN-1253-L15812
Dato' Mohammed Najeeb bin Abdullah minta **PERDANA MENTERI** menyatakan kesahihan laporan yang mengatakan perkhidmatan teksi di Malaysia adalah yang terburuk di dunia. Apakah langkah dristik yang akan diambil bagi menstruktur semula dan meningkatkan mutu perkhidmatan teksi di negara ini agar ianya setanding dengan negara-negara lain di rantau ini.
17. PN-1253-L16111
Dr. S. Ramakrishnan minta **MENTERI KEWANGAN** menyatakan adakah Kerajaan akan melaksana dan mengutip GST selepas pilihan raya. GST bermakna kertas kerja yang lebih untuk perniagaan yang akan membawa kepada peningkatan dalam kos.

18. PN-1253-L15493

Dato' Nalla K. S. minta **PERDANA MENTERI** menyatakan kelulusan tambahan Cuti Umum satu hari lagi pada sambutan perayaan Hari Deepavali menjadi dua (2) hari kerana kebiasaannya pada hari yang pertama masa dihabiskan untuk upacara sembahyang dan menziarah ahli keluarga, oleh itu diperlukan satu hari lagi untuk diraikan bersama sahabat handai termasuklah yang bukan beragama Hindu.

19. PN-1253-L15987

Dr. Syed Husin Ali minta **MENTERI KERJA RAYA** menyatakan jumlah ganti rugi yang dibayar oleh Kerajaan bagi semua pengendali-pengendali tol di Malaysia untuk tidak menaikkan kadar tol dan juga jumlah "*profit sharing*" atau perkongsian keuntungan yang diperolehi oleh Kerajaan hasil daripada kutipan tol.

20. PN-1253-L15397

To' Puan Hajah Zaitun binti Haji Mat Amin minta **PERDANA MENTERI** menyatakan langkah-langkah Kementerian untuk membina lebih banyak rumah mampu milik berharga kurang RM300,000 di Lembah Klang khususnya bagi memastikan lebih ramai rakyat berpendapatan bulanan RM3,000 hingga RM6,000 mampu membeli rumah.

21. PN-1253-L15457

Tuan Haji Muhamad Yusof bin Husin minta **MENTERI PENGAJIAN TINGGI** menyatakan sehingga kini berapakah kes pemalsuan, penipuan, penjualan ijazah palsu dan berapakah kes yang dibawa ke mahkamah dan apakah langkah-langkah yang diambil untuk membanteras kejadian ini.

22. PN-1253-L15838

Tuan Saiful Izham bin Ramli minta **MENTERI KEWANGAN** menyatakan tentang konsortium syarikat yang telah memenangi dan dianugerahkan tender untuk kontrak projek LRT Laluan Ampang dan jumlah sebenar nilai kontrak yang diberikan melalui Syarikat Prasarana Negara Berhad (SPNB) yang melibatkan antaranya kerja-kerja tambahan bagi projek tersebut serta syarikat juru perunding yang telah diberikan tanggungjawab oleh SPNB untuk membuat penilaian teknikal terhadap bidaan-bidaan yang dibuat untuk projek tersebut sebelum laporan penilaian tersebut diserahkan kepada Jawatankuasa Peroleh Menteri Kewangan yang dipengerusikan oleh YAB. Perdana Menteri sendiri.

23. PN-1253-L15601

Puan Hajah Khairiah binti Mohamed minta **MENTERI LUAR NEGERI** menyatakan apakah pendirian Kerajaan Malaysia terhadap pembentukan wilayah autonomi Islam di Selatan Thailand dan adakah Malaysia terlibat sebagai pengantara untuk perundingan dengan Kerajaan Thailand ke arah pembentukan wilayah autonomi Islam tersebut sebagaimana persetujuan perundingan yang telah dicapai antara Kerajaan Filipina dan MILF.

24. PN-1253-L15379
Puan Hajah Rohani binti Abdullah minta **MENTERI PELANCONGAN** menyatakan langkah-langkah Kementerian bagi membantu Kerajaan Negeri Terengganu dalam menjayakan program "Tahun Melawat Terengganu 2013" khususnya bagi menarik lebih ramai pelancong domestik dan luar negara.
25. PN-1253-L15543
Tuan Lihan Jok minta **PERDANA MENTERI** menyatakan adakah Kerajaan Pusat akan menyediakan peruntukan kewangan untuk program menyukat tanah Hak Adat Bumiputera (NCR) di Sarawak, sebab tidak disebut dalam Bajet 2013 yang baru sahaja diumumkan oleh YAB. Perdana Menteri.
26. PN-1253-L15732
Tuan Mohamad Ezam bin Mohd Nor minta **MENTERI PENERANGAN, KOMUNIKASI DAN KEBUDAYAAN** menyatakan sejauh mana gejala negatif seperti penyiaran aktiviti seksual di laman internat yang dibuat atas nama hak asasi dapat dibendung melalui tindakan undang-undang yang sedia ada di Malaysia.
27. PN-1253-L15668
Dato' Abdul Rahim bin Abdul Rahman minta **MENTERI KEWANGAN** menyatakan setakat manakah berjayanya 'Skim Rumah Pertamaku' semenjak ia dilancarkan.
28. PN-1253-L15716
Tuan Chiew Lian Keng minta **MENTERI DALAM NEGERI** menyatakan kaedah-kaedah yang Kerajaan ambil untuk mengurangkan peratus jenayah serta menjelaskan cara-cara untuk meningkatkan kesedaran para penduduk dalam pembasmian jenayah.
29. PN-1253-L15594
Datuk Maijol bin Mahap minta **PERDANA MENTERI** menyatakan sama ada istilah Malaysia Barat dan Malaysia Timur itu wujud secara rasmi dan mana satu istilah yang betul iaitu Semenanjung Malaysia atau Semenanjung Tanah Melayu atau Malaya.
30. PN-1253-L16096
Dato' Syed Ibrahim bin Kader minta **MENTERI PEMBANGUNAN WANITA, KELUARGA DAN MASYARAKAT** menyatakan apakah tindakan Kementerian bagi mengurangkan kadar kemiskinan sedangkan Kementerian sering melaungkan slogan kemiskinan bukan untuk diwarisi dan pelbagai skim dan bantuan yang telah diberikan kepada golongan ini.
31. PN-1253-L15811
Dato' Mohammed Najeeb bin Abdullah minta **MENTERI KEWANGAN** menyatakan bilangan dan nilai tuntutan insurans motor sejak 2000 sehingga 2011. Berapa banyakkah yang melibatkan tuntutan palsu oleh sindiket yang tidak bertanggung jawab dan jumlah kes tuntutan palsu yang telah dibawa ke muka pengadilan.

32. PN-1253-L15976
Dr. Syed Husin Ali minta **MENTERI KEWANGAN** menyatakan bilakah penguatkuasaan Cukai Barang dan Perkhidmatan atau *Goods and Service Tax* akan dilaksanakan termasuk formula yang menjadi asas penetapan peratusan cukai, pengecualian dan kaedah pengutipan.
33. PN-1253-L15386
Puan Hajah Rohani binti Abdullah minta **MENTERI PEMBANGUNAN WANITA, KELUARGA DAN MASYARAKAT** menyatakan sejauh manakah Kementerian mewujudkan kerjasama antara Yayasan Kebajikan Negara (YKN) dan pertubuhan bukan Kerajaan (NGO) serta sukarelawan dalam membantu golongan gelandangan dan sejauh manakah keberkesanan program Anjung Singgah dalam menjaga kebijakan golongan gelandangan supaya akan lebih terbaik.
34. PN-1253-L15762
Datuk Paul Kong Sing Chu minta **MENTERI PERUMAHAN DAN KERAJAAN TEMPATAN** menyatakan apakah dasar Kementerian dalam menubuhkan pasukan bomba bantuan seperti yang diperuntukkan dalam seksyen 4, Akta Perkhidmatan Bomba 1988 (Akta 341). Mengapa sehingga kini Pasukan Bomba Bantuan yang telah termaktub dalam Akta 341 masih belum dilakukan dan Kementerian dilihat lebih memberikan tumpuan terhadap Pasukan Bomba Sukarela berbanding usaha penubuhan Bomba Bantuan.
35. PN-1253-L15605
Tuan Syed Shahir bin Syed Mohamud minta **MENTERI SUMBER MANUSIA** menyatakan bilakah pindaan atau penggubalan dibuat ke atas undang-undang untuk memastikan agar tiada diskriminasi berdasarkan jantina di kalangan pekerja selaras dengan ratifikasi yang dibuat ke atas Konvensyen Penghapusan Segala Bentuk Diskriminasi Terhadap Perempuan (CEDAW).
36. PN-1253-L15783
Puan Chew Lee Giok minta **MENTERI PENGAJIAN TINGGI** menyatakan berapakah Institusi Pengajian Tinggi Swasta (IPTS) yang telah diambil tindakan kerana melakukan penyelewengan daripada segi pengambilan pelajar-pelajar luar negara, apakah langkah-langkah untuk memastikan pelajar luar negara itu adalah pelajar tulen dan bukan untuk bekerja atau berniaga di Malaysia.
37. PN-1253-L15769
Puan Hajah Mariany binti Mohammad Yit minta **MENTERI SUMBER ASLI DAN ALAM SEKITAR** menyatakan bagaimana Kementerian memainkan peranan bersama dengan agensi Kerajaan seperti Kementerian Perumahan dan Kerajaan Tempatan, JKR, Jabatan Pembentungan, dan Kerajaan Tempatan bagi melaksana suatu rangka kerja dan pelaksanaan yang lebih komprehensif dan bermakna agar sistem saliran dan pembentungan diurus secara efektif bagi menangani kesan perubahan cuaca (*climate change*).

38. PN-1253-L15540

Dato' Lim Nget Yoon minta **MENTERI DALAM NEGERI** menyatakan bilangan individu daripada golongan profesional yang menyertai pasukan polis sukarelawan sehingga kini. Apakah langkah-langkah diambil oleh pihak polis untuk menggalakkan lebih ramai lagi individu daripada golongan profesional menyertai pasukan ini.

39. PN-1253-L16129

Dr. S. Ramakrishnan minta **MENTERI PERUSAHAAN PERLADANGAN DAN KOMODITI** menyatakan kenapa pengurangan cukai sebanyak 23 peratus ke 4.5 peratus hingga 8.5 peratus untuk '*crude palm oil*' tidak dilaksanakan dengan segera tetapi daripada 1 Januari 2013. Bagaimanakah penurunan harga ini menambah baik kecekapan dan pengurusan dalam industri sawit negara.

40. PN-1253-L15953

Puan Hajah Noriah binti Mahat minta **PERDANA MENTERI** menyatakan statistik perkahwinan bawah umur di kalangan pasangan Islam dan apakan sebab yang berlaku dan tindakan Kerajaan menangani isu ini.

41. PN-1253-L15963

Dr. Syed Husin Ali minta **MENTERI PERTAHANAN** menyatakan mengapakah terdapat kerja-kerja penyelenggaraan pesawat TUDM diberikan kepada syarikat swasta seperti AIROD sedangkan pihak TUDM mempunyai kepakaran dan latihan yang amat baik.

42. PN-1253-L15745

Dato' Jaspal Singh minta **MENTERI KEWANGAN** menyatakan laporan bagi Professional Status Fund bernilai RM100 juta daripada BSN seperti diumumkan oleh YAB. Perdana Menteri dalam Bajet 2012. Setakat ini, berapakah bilangan profesional atau pakar yang telah memohon dan mendapat manfaat daripada peruntukan ini bagi membuka firma di bandar-bandar kecil. Apakah pecahan firma profesional mengikut bidang dan di negeri manakah mereka bercadang untuk membuka firmanya.

43. PN-1253-L15563

Dato' Lim Nget Yoon minta **MENTERI DALAM NEGERI** menyatakan apakah langkah-langkah yang diambil oleh pihak polis untuk memastikan orang-orang dalam tahanan polis tidak dapat membunuh diri.

44. PN-1253-L15973

Puan Hajah Noriah binti Mahat minta **MENTERI PENERANGAN, KOMUNIKASI DAN KEBUDAYAAN** menyatakan apakah langkah-langkah yang dilaksanakan oleh Kementerian dalam memastikan penulisan kreatif dan sastera Melayu tidak dilupakan dan akan terus berkembang.

45. PN-1253-L15590
Datuk Maijol bin Mahap minta **MENTERI DALAM NEGERI** menyatakan apakah status anak kepada orang asing seperti orang Pakistan, Filipina, Indonesia dan lain-lain yang berkahwin dengan wanita tempatan di Sabah.
46. PN-1253-L15428
Dato' Dr. Johari bin Mat minta **MENTERI KEWANGAN** menyatakan sejauh manakah perkembangan industri Kewangan Islam di negara ini dan apakah langkah-langkah yang diambil oleh Kerajaan dalam menangani masalah kekurangan pakar Kewangan Islam dalam industri ini di negara kita.
47. PN-1253-L15746
Dato' Jaspal Singh minta **MENTERI DALAM NEGERI** menyatakan bilangan kes-kes rogol yang telah dilaporkan bagi tahun 2012 dan pecahan untuk kes '*statutory rape*'. Bagi kes '*statutory rape*' apakah peratus pesalah di bawah umur 18 tahun (minor) dan pesalah daripada keluarga mangsa.
48. PN-1253-L15578
Datuk Pau Chiong Ung minta **MENTERI PERTANIAN DAN INDUSTRI ASAS TANI** menyatakan :-
- apakah rancangan dan usaha Kementerian bagi meningkatkan teknologi penanaman padi tempatan supaya jumlah hasil tanaman dan kawasan penanaman padi dapat ditingkatkan memandangkan import makanan negara telah pun meningkat sebanyak 3 kali ganda dari 10 bilion pada tahun 1998 kepada 30 bilion pada tahun 2010 ekoran peningkatan harga makanan sedunia; dan
 - apakah rancangan dan usaha Kementerian untuk meningkatkan jumlah hasil keluaran sektor penanaman sayur-sayuran dan buah-buahan.
49. PN-1253-L16024
Puan Roslin binti Haji Abdul Rahman minta **MENTERI KESIHATAN** menyatakan sejauh manakah langkah-langkah Kementerian bagi menangani masalah pembaziran serta penjualan semula ubat penyakit kronik seperti kencing manis dan darah tinggi serta nyatakan jumlah ubat yang tidak digunakan dan dipulangkan semula kepada hospital.

50. PN-1253-L16028

Datuk Raja Ropiaah binti Raja Abdullah minta **PERDANA MENTERI** menyatakan bagaimanakah pencapaian matlamat negara yang berpendapatan tinggi adalah satu matlamat yang jelas dan berupaya dicapai memandangkan sambutan sektor swasta dan pelabur asing di dalam menyambut program NKEA di samping mengimbangi pengagihan pendapatan dan kekayaan di kalangan semua lapisan rakyat khususnya golongan berpendapatan rendah dan sederhana rendah serta bagaimanakah unjuran EPU ke atas kesejahteraan kumpulan yang berpendapatan kurang dari RM1,000 sebulan di akhir tahun 2020 nanti.

51. PN-1253-L16120

Dr. S. Ramakrishnan minta **MENTERI KEWANGAN** menyatakan bahawa hutang awam dalam tahun 2008 adalah 41.4 peratus dan tahun 2012 adalah 53.7 peratus daripada GDP. Hutang off lembaran imbangan meningkat dari RM258.12 bilion di 2008 ke RM427.25 bilion di 2012. Apakah langkah-langkah fiskal untuk putar belit trend ini.

52. PN-1253-L15455

Tuan Haji Ahamat@Ahmad bin Yusop minta **MENTERI PELAJARAN** menyatakan langkah-langkah Kementerian dalam usaha menambah-baik dan memperkasakan guru serta kepimpinan sekolah di bawah Pelan Pembangunan Pendidikan Malaysia (PPPM 2013-2025).

53. PN-1253-L15519

Dato' Haji Abdul Rahman bin Bakar minta **MENTERI KEMAJUAN LUAR BANDAR DAN WILAYAH** menyatakan apakah insentif yang dilakukan oleh Kementerian melalui MARA ke atas kelompok-kelompok usahawan tempatan. Jika ada, berapa bilangan kelompok usahawan yang telah dikenal pasti dan apa perancangan masa depan MARA untuk mereka maju dalam bidang perniagaan.

54. PN-1253-L15639

Datuk Pau Chiong Ung minta **MENTERI DALAM NEGERI** menyatakan :-

(a) adakah pihak Kementerian menerusi Jabatan Imigresen berhasrat untuk mengkaji semula pengeluaran visa kepada warga asing yang memerlukan visa ke Malaysia (kes tertentu seperti Visa Jangka Panjang suami/isteri kepada warganegara) di Pejabat Konsulat Malaysia tanpa memohnnya di Pejabat Kedutaan Malaysia di negara masing-masing; dan

(b) berapakah jumlah warga asing mengikut negara yang telah memohon visa tersebut dan berapa jumlah permohonan yang telah diluluskan oleh pihak Kementerian bagi tahun 2010 dan 2011.

55. PN-1253-L15931

Dato' Dr. Firdaus bin Haji Abdullah minta **PERDANA MENTERI** menyatakan perkembangan terkini usaha (inisiatif) mewujudkan Dasar Dakwah Negara.

ATURAN URUSAN MESYUARAT DAN USUL-USUL

- | | | |
|--|--|-------------------------------|
| 1. (D.R. 31/2012) | Rang Undang-undang Perbekalan 2013 - Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang.”
(5 Disember, 2012) | |
| [Menteri Kewangan] | | |
| 2. (D.R. 37/2012) | Rang Undang-undang Penyelarasan Pencen (Pindaan) 2012 - Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang.”
(4 Disember, 2012) | |
| [Menteri Di Jabatan Perdana Menteri] | | |
| 3. (D.R. 32/2012) | Rang Undang-undang Pengurusan Strata 2012 | Bacaan Kali Yang Kedua |
| [Menteri Perumahan dan Kerajaan Tempatan] | | |
| 4. (D.R. 40/2012) | Rang Undang-undang Perkhidmatan Kewangan 2012 | “ |
| [Menteri Kewangan] | | |
| 5. (D.R. 41/2012) | Rang Undang-undang Perkhidmatan Kewangan Islam 2012 | “ |
| [Menteri Kewangan] | | |
| 6. (D.R. 39/2012) | Rang Undang-undang Bank Negara Malaysia (Pindaan) 2012 | “ |
| [Menteri Kewangan] | | |
| 7. (D.R. 35/2012) | Rang Undang-undang Kewangan (No. 2) 2012 | “ |
| [Menteri Kewangan] | | |
| 8. (D.R. 38/2012) | Rang Undang-undang Reka Bentuk Perindustrian (Pindaan) 2012 | “ |
| [Menteri Perdagangan Dalam Negeri, Koperasi dan Kepenggunaan] | | |

9. (D.R. 43/2012) Rang Undang-undang Perbadanan Kemajuan Filem Nasional Malaysia (Pindaan) 2012 “

[Menteri Penerangan, Komunikasi Dan Kebudayaan]

10. (D.R. 42/2012) Rang Undang-undang Binatang (Pindaan) 2012 “

[Menteri Pertanian dan Industri Asas Tani]

11. PN-1253-U15525
Dato' Haji Abdul Rahman bin Bakar akan mencadangkan:-

"Bahawa Dewan ini mencadangkan supaya disegerakan proses memansuhkan hukuman mati mandatori berdasarkan kepada maklumat berikut:- Menteri di Jabatan Perdana Menteri, Datuk Seri Mohamed Nazri Abdul Aziz berkata, beliau akan mengadakan perjumpaan dengan Perdana Menteri, Datuk Seri Najib Tun Razak dalam masa terdekat bagi membincangkan mengenai satu inisiatif akan dilakukan bagi mewujudkan moratorium (penangguhan) terhadap hukuman mati terhadap mereka yang didapati bersalah memiliki dadah. Mohamed Nazri menegaskan yang Kerajaan sedang menimbang cadangan menangguhkan pelaksanaan hukuman mati terhadap pesalah dadah di negara ini sementara menunggu hasil kajian semula yang dijalankan Pejabat Peguam Negara. Katanya hukuman ganti kes pemilikan dadah sedang dikaji Pejabat Peguam Negara. Sementara, Mohamed Nazri akan berbincang dengan Perdana Menteri supaya kes pemilikan dadah, mereka yang dijatuhi hukuman (mati), akan diminta moratorium, jangan digantung sebab Kerajaan kita sedang meneliti hukuman sedia ada. Mohamed Nazri juga berkata, permohonan moratorium itu wajar memandangkan sebahagian daripada 900 orang yang sedang menunggu hukuman mati ketikaini adalah pesalah dadah. Perlu disebut, kajian ini dilakukan bertujuan menyelamatkan nyawa rakyat Malaysia di luar negara seperti China, Columbia, Peru dan Venezuela yang berdepan hukuman mati akibat menjadi keldai dadah. Antara hukuman terbaik bagi menggantikan hukuman mati mandatori bagi pesalah dadah, Mohamed Nazri berkata, hukuman penjara 30 atau 35 tahun boleh dikenakan kerana kesalahan itu tidak lagi dianggap serius seperti jenayah pembunuhan. Jika hukuman mati mandatori bagi kesalahan dadah dimansuhkan, hakim akan menggunakan budi bicara dalam menentukan hukuman bagi pesalah dadah. Justeru, berdasarkan kepada senario berkaitan, saya mencadangkan agar Kerajaan mempercepatkan proses berkenaan. Jika perlu, satu jawatankuasa khas di peringkat Parlimen wajar diadakan. Ini penting demi untuk keharmonian dan kemakmuran sejagat dan kebajikan kepada keluarga para pesalah."

[Menteri di Jabatan Perdana Menteri]

12. PN-1253-U15526

Dato' Haji Abdul Rahman bin Bakar akan mencadangkan:-

"Bahawa Dewan ini mencadangkan dan mengesa agar kebebasan media berlaku secara sistematik, berhemah dan berintegriti.Tanggapan kebebasan media bagi pemimpin politik berdasarkan kebebasan untuk media yang hanya menyebelahi mereka dan yang seiring dengan mereka sahaja. Politik dan media sememangnya saling memerlukan. Orang politik memerlukan media untuk mempromosi diri dan wawasan mereka dan media pula memerlukan ahli politik sebagai bahan penulisan mereka. Lazimnya hubungan antara ahli politik dan media bagaimanapun tidak selalu kekal harmoni sepanjang masa.Lazimnya ahli politik akan menyanjung media apabila cerita-cerita positif tentang mereka dilaporkan. Namun begitu,apabila berita yang dilaporkan itu tidak positif, media akan dipersalahkan kononnya untuk menjatuhkan reputasi ahli politik terlibat. Kini telah menjadi satu trend apabila media dijadikan "punching bag" oleh ahli politik untuk menafikan berita yang tidak memihak kepada mereka. Ironinya, pihak yang menjadikan media sasaran saman yang rata-rata angkanya mencecah jutaan ringgit dan pihak sama juga yang melaung-laungkan tentang kebebasan bersuara dan menuntut kebebasan media di negara ini.Keadaan berkenaan bukan melibatkan ahli politik sahaja tetapi meliputi sebuah masyarakat dalam konteks kebebasan media. Dan pengamal media yang berintegriti tidak takut untuk mempersempahkan berita berdasarkan fakta. Berani kerana benar. Mereka tidak takut dikritik mahupun menerima kutukan oleh pelbagai pihak. Justeru, bagi menentukan kebebasan media berlaku secara sistematik, berhemah dan berintegriti, apakah pihak Kementerian sedang merangka atau menggubal ke arah mana media negara ini sedang berada. Apakah kerajaan sedar bahawa satu majlis media kebangsaan perlu diwujudkan dan pertubuhan rasmi ini akan menjadi pemantau bagi kedua-dua pihak iaitu pengamal media dan masyarakat. "

[Menteri Penerangan, Komunikasi dan Kebudayaan]

13. PN-1253-U15527

Dato' Haji Abdul Rahman bin Bakar akan mencadangkan:-

"Bahawa Dewan ini mencadangkan agar institusi kewangan mempertimbangkan untuk mempermudahkan pemberian pinjaman kepada pencipta produk inovasi termasuk membabitkan teknologi hijau dalam usaha melahirkan lebih ramai lagi generasi pencipta. Menteri Sains, Teknologi dan Inovasi, Datuk Seri Dr. Maximus Johnity Ongkili menegaskan bahawa sehingga kini banyak syarikat yang mahu membuat pinjaman untuk menjayakan penciptaan sesuatu produk, namun tidak dapat berbuat demikian ekoran syarat ketat institusi kewangan.Justeru, kerana mereka tidak mempunyai rujukan kejayaan lampau ciptaan berkenaan dan menganggap ia sukar dipasarkan. Untuk tujuan itu, pihak kementerian wajar membentuk satu jawatankuasa khas dengan Kementerian Tenaga, Teknologi Hijau dan Air serta Kementerian Kewangan untuk menyelaras kaedah bagi membantu pencipta terbabit.

Kita juga berharap agar peserta atau pemohon dibantu dengan segera, sekali gus dapat menyelesaikan masalah pertimbangan insitusi kewangan yang memproses permohonan itu mengikut prinsip perbankan biasa. Saya juga mencadangkan agar insitusi kewangan mempertimbangkan untuk memberi nilai kepada hak intelek sesuatu produk inovasi yang dibentangkan pencipta bagi proses permohonan pinjaman. Jika ini dapat dilakukan, sudah pasti akan membantu dan menggalakkan para pencipta untuk menghasilkan produk yang bukan sahaja dapat memanfaatkan kepada masyarakat, bahkan dikomersialkan bagi menjana pendapatan yang tinggi."

[Menteri Sains, Teknologi dan Inovasi]

14. PN-1253-U15528

Dato' Haji Abdul Rahman bin Bakar akan mencadangkan:-

"Bahawa Dewan ini menyarankan agar penglibatan sektor swasta juga diambil kira dalam memantapkan Pelan Pembangunan Pendidikan (PPP) yang dilancarkan oleh Perdana Menteri baru-baru ini yang menekankan kepada konsep ilmu yang mampu dimanfaatkan oleh generasi yang akan datang iaitu selari dengan tuntutan semasa dunia/global. Pelan berkenaan cukup rapi dan kemas di dalam mencipta hala tuju negara ke arah negara maju pada tahun 2020. Pelan yang mantap berkenaan semestinya memerlukan pemahaman dan pelaksanaan yang strategik di kalangan warga pendidik, ibu bapa dan para pelajar. Pelan yang mempunyai tiga gelombang iaitu pada 2013-2015; 2015-2020 dan 2020-2025 itu telah mengambil kira pelbagai harapan, rintangan, cabaran, situasi dunia dan perkembangan kemahiran di kalangan masyarakat. Contohnya, apakah vokasional dan kemahiran (hand-on) telah dihidupkan dan diperkemaskin yang wajar diperkembangkan kepada para pelajar di peringkat sekolah menengah lagi. Ianya sebagai usaha untuk mengimbangi di antara ilmu bersifat akademik dan bersifat kemahiran. Kedua-duanya sudah pasti akan menjadikan negara kita lebih maju di dalam aspek pelajaran dan pembelajaran. Menyedari hakikat berkenaan, saya merasakan pelan berkenaan akan lebih mantap sekiranya peranan sektor swasta diambil kira. Pihak swasta akan menjadi pemangkin kepada konsep pembelajaran sepanjang hayat. Semua firma dan kilang-kilang bertaraf antarabangsa perlu melaksanakan CSR mereka dan memberi ruang/ peruntukan kewangan kepada para pelajar yang ingin melanjutkan pelajaran ke peringkat yang lebih tinggi. Konsep ini telah dilaksanakan dengan jayanya di Australia dan Jerman. Sementara, para pelajar lepasan institusi kemahiran perlu difikirkan tentang ganjaran kepada mereka melebihi daripada yang berasaskan akademik semata-semata. Di masa sama, universiti awam/swasta hendaklah diperbanyakkan di negara ini sehingga peringkat PhD. Lebih penting supaya hasrat pelan ini menjadi kenyataan selari dengan Model Baru Ekonomi (MBE) ke arah menjadikan Malaysia sebuah negara maju berpendapatan tinggi."

[Menteri Pelajaran]

15. PN-1253-U15529

Dato' Haji Abdul Rahman bin Bakar akan mencadangkan:-

"Bahawa Dewan ini menyarau dan mencadangkan agar projek Perumahan Rakyat PR1MA di perbanyakkan lagi dan proses permohonannya dipermudahkan memandangkan rumah atau perlindungan merupakan salah satu keperluan manusia di dunia ini. Rumah juga merupakan suatu jaminan keselamatan dan kesihatan kepada penduduk dunia. Akibat kekurangan rumah atau tempat tinggal yang tidak terurus atau tidak menepati piawaian atau tidak lengkap atau tidak sesuai didiami, sudah tentu akan mewujudkan penyakit masyarakat yang lain termasuk penyalahgunaan najis dadah, kecurian, rogol, rompak, samun dan lain-lain. Atas sifat dan kesedaran akan kepentingan rumah kepada penduduk negara ini, pelbagai program telah dilaksanakan antaranya rumah mesra rakyat, rumah PPRT, rumah mampu milik dan rumah kos rendah/sederhana yang telah mendapat sambutan hangat di kalangan rakyat. Namun, melihat kepada penduduk negara kita yang berkembang pada kadar 3.5% setahun, saya rasa pertambahan berkenaan terus meningkat kepada keperluan rumah untuk berlindung. Justeru, pengekalan dan pelaksanaan rumah PRIMA adalah antara yang terbaik terutamanya di kalangan penduduk bandar. Bagaimanapun bilangan rumah berkenaan masih kecil dan perlu diperbanyakkan lagi. Saya suka mencadangkan agar pihak Kementerian Perumahan dan Kerajaan Tempatan (KPKT) terus memberi ruang kepada GLC atau anak syarikat Kerajaan negeri untuk membina rumah PRIMA di samping SPNB dan UDA. Sementara, KPKT juga diminta mempermudahkan proses permohonan secara on-line dan memberikan jawapan segera terhadap permohonan berkenaan. Ini penting sebagai slogan "Rumahku Syurgaku" yang memberi kesan psikologi kepada pemohon (rakyat) kerana dirasakan mereka dihargai. Kalau sesuai, rumah kedua/ketiga juga boleh ditimbangkan kepada pemohon sekiranya berlaku lambakan kepada rumah-rumah PRIMA."

[Menteri di Jabatan Perdana Menteri]

**RISALAT-RISALAT YANG DIBAWA KE DALAM MESYUARAT
(DEWAN NEGARA)**

<u>TAHUN 2012</u>	<u>RISALAT/DOKUMEN</u>	<u>TARIKH DIBENTANGKAN</u>
ST.52	Laporan Tahunan dan Penyata Kewangan LGM Properties Corporation (LGMPC) Bagi Tahun 2011	6 Disember 2012
ST.62	Laporan Tahunan dan Penyata Kewangan Majlis Sukan Negara Malaysia Bagi Tahun 2011	6 Disember 2012
ST.67	Laporan Tahunan dan Penyata Kewangan Perbadanan Perusahaan Kecil dan Sederhana Malaysia (SME Corp) Bagi Tahun 2011	6 Disember 2012
ST.72	Laporan Tahunan dan Penyata Kewangan Lembaga Minyak Sawit Malaysia Bagi Tahun 2011	6 Disember 2012
ST.75	Laporan Tahunan dan Penyata Kewangan Majlis Pembangunan Wilayah Ekonomi Pantai Timur (ECERDC) Bagi Tahun 2011.	6 Disember 2012
ST.83	Laporan Tahunan dan Penyata Kewangan Universiti Putra Malaysia (UPM) Bagi Tahun 2011	6 Disember 2012
ST.102	Laporan Tahunan dan Penyata Kewangan Lembaga Perindustrian Kayu Malaysia (MTIB) Bagi Tahun 2011	6 Disember 2012
ST.107	Laporan Tahunan dan Penyata Kewangan Lembaga Pelabuhan Bintulu Bagi Tahun 2011	6 Disember 2012
ST.108	Laporan Tahunan dan Penyata Kewangan Suruhanjaya Pelabuhan Pulau Pinang dan Suruhanjaya Pelabuhan Pulau Pinang (Teluk Ewa) Bagi Tahun 2011	6 Disember 2012
ST.120	Laporan Tahunan dan Penyata Kewangan Lembaga Perindustrian Nanas Malaysia (LPNM) Bagi Tahun 2011	6 Disember 2012
ST.122	Laporan Tahunan dan Penyata Kewangan Lembaga Pertubuhan Peladang (LPP) Bagi Tahun 2011	6 Disember 2012

<u>TAHUN 2012</u>	<u>RISALAT/DOKUMEN</u>	<u>TARIKH DIBENTANGKAN</u>
ST.124	Laporan Tahunan dan Penyata Kewangan Lembaga Kemajuan Pertanian Kemubu (KADA) Bagi Tahun 2011	6 Disember 2012
ST.125	Laporan Tahunan dan Penyata Kewangan Yayasan Pelajaran Persatuan Peladang dan Pertubuhan Peladang MADA Bagi Tahun 2011	6 Disember 2012
ST.126	Laporan Tahunan dan Penyata Kewangan Lembaga Kemajuan Pertanian Muda (MADA) Bagi Tahun 2011	6 Disember 2012
ST.129	Laporan Tahunan dan Penyata Kewangan Lembaga Pelabuhan Kelang dan Lembaga Pelabuhan Melaka Bagi Tahun 2011	6 Disember 2012
ST.134	Laporan Tahunan dan Penyata Kewangan Lembaga Pembangunan Seni Visual Negara Bagi Tahun 2011	6 Disember 2012
ST.145	Laporan Tahunan dan Penyata Kewangan Lembaga Penggalakan Pelancongan Malaysia Bagi Tahun 2011.	6 Disember 2012
ST.148	Laporan Tahunan dan Penyata Kewangan Perbadanan Labuan Bagi Tahun 2011.	6 Disember 2012
ST.150	Laporan Tahunan dan Penyata Kewangan Universiti Pertahanan Nasional Malaysia (UPNM) Bagi Tahun 2011	6 Disember 2012
ST.152	Laporan Tahunan dan Penyata Kewangan Universiti Sains Malaysia (USM) Bagi Tahun 2011	6 Disember 2012
ST.153	Laporan Tahunan dan Penyata Kewangan Universiti Utara Malaysia (UUM) Bagi Tahun 2011	6 Disember 2012
ST.156	Laporan Tahunan dan Penyata Kewangan Universiti Pendidikan Sultan Idris (UPSI) Bagi Tahun 2011	6 Disember 2012

<u>TAHUN 2012</u>	<u>RISALAT/DOKUMEN</u>	<u>TARIKH DIBENTANGKAN</u>
ST.160	Laporan Tahunan dan Penyata Kewangan Pusat Perubatan Universiti Malaysia (PPUM) Bagi Tahun 2011.	6 Disember 2012
ST.161	Laporan Tahunan dan Penyata Kewangan Perbadanan Tabung Pendidikan Tinggi Nasional (PTPTN) Bagi Tahun 2011	6 Disember 2012
ST.162	Laporan Tahunan dan Penyata Kewangan Yayasan Tun Abdul Rahman (YTAR) Bagi Tahun 2011	6 Disember 2012
ST.163	Laporan Tahunan dan Penyata Kewangan Lembaga Pelabuhan Johor dan Lembaga Pelabuhan Johor (Tanjong Pelepas) Bagi Tahun 2011	6 Disember 2012
ST.164	Laporan Tahunan dan Penyata Kewangan Universiti Teknikal Malaysia Melaka (UTeM) Bagi Tahun 2011	6 Disember 2012
ST.165	Laporan Tahunan dan Penyata Kewangan Lembaga Wakaf Hindu Negeri Pulau Pinang Bagi Tahun 2011.	6 Disember 2012
ST.167	Laporan Tahunan dan Penyata Kewangan Institut Penyelidikan Keselamatan Jalan Raya Malaysia Bagi Tahun 2011	6 Disember 2012
ST.168	Laporan Tahunan dan Penyata Kewangan Perbadanan Aset Keretapi Bagi Tahun 2011	6 Disember 2012
ST.169	Laporan Tahunan dan Penyata Kewangan Pihak Berkuasa Pembangunan Tenaga Lestari Bagi Tahun 2011	6 Disember 2012